

**ELOQUENTIAE SERIIS
CULTORIBUS,
SACROR. & CIVIL
FACUNDA ARTE
REGUNDOR...**

Georg Caspar Kirchmaier





1234. 3

ELOQVENTIÆ

SERIIS CULTORIBUS,

Sacror. & Civil. facundâ arte regun-

dor. Admiratoribus S. P.



GEORG. CASP. KIRCHMA JERUS,

Orator. Prof. Publ in Electoral. Academia

VVITTEBERG.



CED ARMA.
TOG. CON-
CED. LAUR,
LINGVÆ.



Licetis JOHANNIS WILCKU,
A. d. 2. 126 LXXXIII.

THE
LIBRARY OF THE
MUSEUM OF NATURAL HISTORY
NEW YORK

THE
LIBRARY OF THE
MUSEUM OF NATURAL HISTORY
NEW YORK

THE
LIBRARY OF THE
MUSEUM OF NATURAL HISTORY
NEW YORK



Cùm & literarum & pugnandi gloria gens nulla unquam superaverit Romanos, seu virtutum magnitudinem, seu Majestatis admirationē æstimes, seu diuturnitatem deniq; Imperii, quod in Orbis penè omnis cardines vim diffundebat suam, & ad æmulationem usq; posteris transmisit; (ut aut appellentur Cæsares Romani meritò, aut magnis animorum armorumq; motibus affectent alii,) tùm maximè dicendi laudem adeò fecerunt sibi propriam, ut palmam nationibus præripuisse universis videantur. Sciscitanti causas multæ ac gravissimæ occurrunt quidem, ab hoc tamen instituto alienæ; quæ in rem faciunt præsentem, potiores *duæ artes sunt*, ut* Ciceronis testimonio utamur, *quæ possunt locare hominem* (quidni etiam Rempublicam?) *in amplissimo dignitatis gradu; una Imperatoris, altera Oratoris boni.* Ab hoc enim pacis ornamenta retinentur: ab illo pericula belli repelluntur. Togæ scilicet sagiq; tempora prudentiam gubernatricem & justitiam non minùs, quàm fortitudinem heroicòsque ausûs poscunt: ut non temerè armatam Palladem confinxerit antiquitas. *Imperatoriam, ait Imperator ipse, Majestatem non solum armis decoratam, sed Legibus etiam armatam esse oportere; ut utrumq; tempus, & bellorum & pacis rectè possit gubernari.*

Orat.
pro Muran.

Sed hîc alterius duntaxat curam suscepturi atqve commendationem sumus, quando sponte suâ, juxtâ Ennianum illud, *spernitur Orator bonus, horridu miles amatur.* Magna

de CC. cor-
rupt. Eloq.

Plutarch. in
vit. Pyrrhi

maximi Scriptoris vox habenda ap. *Tacit.* dialogo : Nemi-
nem magnam sine Eloquentiâ potentiam fuisse assecutum.
Adeò, ut *Reges omnes , Deo quidem charos , Elo-*
quentiâ donatos cœlitis fuisse, affirmaverit *Hesiodus*.
Dicendi excellentiâ quid *Cineas* effecerit , testatus *Pyrrhus*
Rex Epirotarum; *plures Cineas oratione occupasse urbes se, quàm*
armis suis potuisse. Fulmen istud Macedonia *Philippus* uni-
cum *Demosthenem* plus totâ fertur formidasse Graciâ. *Pisi-*
stratus Atheniensium Tyrannus valuit tantoperè dicendo,
ut Imperium illi solitarium, oratione ejus capti Attici, con-
cederent. Philippo patre major Alexander filius, cùm præ-
liandi tempora instarent , gentes singulas oratione variâ &
accommodatâ, *Curtio* prodente id memoriâ, alloquebatur:
Illyrios Thracasq; opum & divitiarum ostentatione; Græ-
cos veterum bellorum recordatione ac perpetui cum Persis
accendebat odii; Macedonas Europæ victæ admonebat nunc,
nunc expetitæ Asiæ implebat spe; nec inventos toto pares
Orbe suis, gloriatus. Affecit ita singulorum certè animos, &
nihil non effecit. *C. Julium Cæsarem* (ut ad Romanos rever-
tamur nostros,) *Apollonio* Rhëtori clarissimo navasse ope-
ram, *Svetonius* testatur; eundemq; præter alia subsidia in pri-
mis fretum Eloquentiâ , suprema rerum invasisse culmina,
Scriptores celeberrimi testantur. *M. Tullius Pompeji* inter
artes cæteras imperatorias mirificè commendat gratiam &
vim dicendi; ut sub initia civilis belli declamandi consuetu-
dinem repetiisse ipsum; Cæsarem *Augustum* etiam ne Muti-
nensi quidem bello omisisse, memorat *Tranquillus*. Eloquen-
tiæ adminiculo *Antonius* ad obtruncandum se emissos mi-
lites sævisimos, ut gladios evaginato redderent vaginis, po-
tentissimè obstupescit. Hujus ope Romanorum ad id tem-
poris Senator disertissimus, *Menenius Agrippa* , factiosam
arma-

armatamq; plebem revocavit ad consilia saniora, & Senatui subjecit iterum. Accuratissimè *Virgilius* vim illam animos domandi his expresit:

--- *Ac veluti magno in populo cum sæpè coorta est
Seditio, sævitq; animis ignobile vulgus,
Jamq; faces & saxa volant, furor arma ministrat:
Tum pietate gravem ac meritis si fortè Virum quem
Conspexere, silent, arrectisq; auribus adstant.*

Ille regit dictis animos, ac pectora mulcet.

Jam, ut, quàm verè *Plato* scripserit, communicare cum auctoritate Regiâ Oratoriam dignitatem, dum, quod justum est, persuadet, & cum illa publicas res administrat, conslet, prodeant Imperatores primùm, incorrupti judices post Deum summi, & Brabeutæ. *Cari* filius *Numerianus* Cæsar, cum ponenda ipsi statua in Bibliotheca esset, non Cæsareæ potestatis nomine, sed Eloquentiæ ingeniiq; gloriâ invenit ibi locum;

NUMERIANO. CÆSARI. ORATORI. SUIS.

TEMPORIBUS. POTENTISSIMO.

Oratio nimirum ejus, *Flavio* dicente, tantum habuisse fertur Eloquentia, ut illi statua, non quasi Cæsari, sed quasi Rhetori decerneretur. Nec tantum in *Ulpia*, quæ Romæ erat, Bibliotheca, sed & in Provinciis quibusdam habitus hinc Oratoriæ honos. Ipsemet, qui *Ulpiam* instituit, *Trajanus*, artiumq; & scientiarum benignissimus patronus extitit, in *Bithyniæ* provinciâ, & quidem *Prusiæ* statuam amavit poni, *Plinio* auctore: Ipse, inquit, in te præsentem fui, & vidi tuam quoque statuam in Bibliotheca positam. Idem *Optimus Trajanus Celsus* Rhetorem honore statuæ dignatus ap. *Xiphilinum* legitur. Panegyristes & Collega Cæsaris *Trajani* admiratione plenus veluti exclamat: Quem honorem dicendi Magistris, quàm dignitatem sapientiæ doctoribus habes? Quasi ageretur tædio *Mater-nus*, asserit ibidem: neq; comitatus istos & egressus, aut frequen-

1. *Æni*

*Plat. de Re-
gno.*

*Flav. Vop. de
ced.*

*Plin. l. X.
Epist. 85.*

*Xiphilin. lib.
68.
Plin. in Pan-
egyri.*

Capitolin. in
M. Antonin.
Conf. & Eu-
seb. posterior.
Chronic. lib.
Id. in Anton.
Pio.
in Antonin.
Philos.

Themist.
Orat. 17.

Constantius
in epist. ad
Eumen.

tiam salutationum concupisco; non magis, quàm ara & ima-
gines, quæ etiam me nolente in domum meam irruerunt. Et
quid de Frontone, M. Antonini cogitabimus magistro, si Ca-
pitolino auscultemus? Oratoribus usus est Græcis, Annio Mar-
co, Caninio Celere, & Herode Attico Latino, Frontone Cornelio.
Sed multum ex his detulit Frontoni, cui & statuam in Se-
natu posuit. Nec illud tantum; sed Rhetoribus per quas-
libet provincias honores & salaria constituit. Posteritas vix
habitura fidem aliàs fuisset, nisi de Imperatore sapientiori
Antonino retulisset id Capitolinus in illius gestis: Tantum ho-
noris magistris suis detulit, ut imagines eorum AUREAS ha-
beret in LARARIO, & sepulchra eorum aditu, hostiis, flori-
busq; semper honoraret. Prætergredior Themistii honorem
& Constantio tributum.

Memorable in ævum omne (nescio an uspiam loco-
rum, nisi forsitan in Svecia, à Perillustri Skyttio, exempli loco
iteratum?) factum est Constantii Imperatoris antea laudati.
Ita quidem ille ad Eumenium insignem Oratorem: Quod al-
liud præmium conferre debemus, quàm quod nec dare potest,
nec eripere Fortuna? Salvo igitur privilegio dignitatis tue,
hortamur, ut Professionem Oratoriam repetas atque in (Au-
gustodunensium) supradictâ Civitate, quâ non ignoras nos
ad pristinam gloriam reformare, ad vitam melioris studium a-
dolescentium excolas mentes; nec putes, hoc munere ante partis
aliquid tuis honoribus derogari; cum honesta Professio ornet
potius omnem, quàm destruat, dignitatem. Deniq; etiam sala-
rium te in SEXCENTIS MILLIBUS NUMMUM, ex Reipu-
blica viribus consequi volumus; ut intelligas, MERITIS TUIS
etiam nostram confluere (constare legerim) clementiam.
Vale Eumeni charissime nobis. Magnos magna etiam decere,
nota vox; & poterat hoc sine fraude immensarum facere
opum

opui Imperator. Sed de Majestatis Admi- ro p- cari-
talia, imò majora, singulorum laudem faci-

Heros is incomparabilis, JOH. SKYTTE, Lib. Baro, Re-
gni Svec. Senator, Præses Regii in Gothi- udicii Iunecop.
Cancellar. Upsaliens. Academ. & Finlandiæ citerioris Legi-
lator fuit; qvi in donationis tabulis, à venerabili Episcopo
prolatis An. cto Ibc XXII. ista literis mandari jussu- iassus:

*Baazius in
Hij. Eccles.
Svec. Goth.
l. 8. c. 4. p. 800.*

Posteaq- a ipso didicisset usu, quantum ge-
rendis rebus conduceret prudens Eloqventia,
(*audite posteri, si respuat hac præsens ætas,*) se fa-
vente gratiâ divinâ, Eloqventiæ Politicesq;
studiis exercendis consecratum, maximâ ex
parte Regum, Principum, & aliorum benevo-
lentiam conciliasse sibi, fortunas auxisse, in
conventibus Regni publicis, & in Legationi-
bus ad Orbis Europæi Reges Principesq; &
Respublicas insignem atqve nullo ævo inter-
iorituram liberalitatem expertum; legare
ideò ex facultatibus redditibusq; suis, Professori
Eloqventiæ in Acad. Upsaliensi in perpetuum
salarium ***. Amplissimam hanc summam
esse, discimus ex Ornamento Sveciæ *Scheffero*.
Villas etenim XII. cum ædibus lateritiis fruen-
das perenni atqve confirmatione Regiâ mu-
nito beneficio legavit. Jam quid de nimiâ propemo-
dum

*In memo. 26.
Svec. Gent. 6.
22. §. 8.*

Schefferus
ibid loci, §. 12.

di.ntia Reginae (cū nostra esset, admirabilis,) CHR.nemoremus? unicam Freinsheimii Orationem, quā natalem ejus alterum & vicesimum celebravit, mille Imperialium uncialiū dono splendidissimē ornavit, *Quale nihil antē accidisse ut, quā scimus* (addidit Clariss. Virorum, nec post futurum esse, faciliē persvademur. Utinam nō responderet hoc oraculum, in primis inter Teutones, eventui.

Lib. 2. in
Origg.
ad Vigilant.
epist.

Dicat aliquis: quod, quale, quantum istud genus literarum artiumq; sit? in cuius gratiam tot erogata, vel legata præmia à sapientibus, & animis Augustis fuerint? Ego verò efficacius condocere non possum, quā si ad Imperatorios & Regios cultores ejus ac brabevas provocem; si merear applausum in hoc obtinendo: populos Europæ Christianæ pugnacissimos semperq; formidabiles, militiā, quā eloquentiā non minùs, Gallos istud confirmare. Non recentia edisseram, antiquiora dabo. *Gallia plerāq;* (ait Cato ille Porcius) *res duas industriosisimē persecuta, rem militarem & argutē loqui.* Deinde Hieronymus, qui diu commoratus ibi olim; *Gallia viris semper fortissimis eloquentissimisq; abundavit.*

Nec suis defraudanda laudibus gens *Suconum* videtur. Cū plura referat, tū nullum est illustrius exemplum, quā quod de AXELIO OXENSTIERNA summo Regis pariter Regniq; quondam Administro, sapientiā, fortitudine ac suadā temerē cum nullo comparando ævi nōstri prodidit Historicus: fuisse ipsum Virum Eloquentiā instructum admirabili; seu domi atq; in Senatu, sive apud Reges Principesq; foris agitentur rerum pondera. Post Divi Regis obitum ex militaribus præfectis multi, sive tædio laborum, sive studio novarum rerum, sive aliquā necessitate inter se conven-

venerant, *Axeli*um adorti, ut compellerent ad desideria, nequicquam ausi amplius sunt contrà perorantem. Adeò cunctorum animos oratione gravi atq; penetranti eloquentiâ demulsi, ut nequirent; digressiq; alter alterum vel extrà sese raptum in presentia *Axeli* dicentis; deniq; se velut fascinosos ineffabili sermonis humanissimi arcanâ & suavissimâ virtute, ultrò, nec sine risu mutuo, profiterentur. Nefas fuerit, semidei GUSTAVI ADOLPHI Regis præterire hîc facundiam. Et aliàs non exposcebat (ait iterum *Schefferus* præco) alieni oris operam, rarissimâ virtute inter Numinis Vicarios, sive Legatis reddenda essent responsa, sive in Senatu de gravissimis deliberandum negociis, sive ad populum de necessitatibus Imperii instituendus esset sermo. De Stetino Pomeraniâq; verbis & oratione victâ potiùs, quàm viribus, post alia hæc idem subdit: Sic GUSTAVUS ADOLPHUS Eloquentiâ, quàm armis priùs fregit hostem.

*In memorab.
Suet. Gent.
c. 29. § 5.*

Quorsum autem tot ac tanta, quærat porrò aliquis, elogia, ad Eloquentiam ornandam concinnata? Propter non ipsam, sed præsentis seculi, degeneris nimirum, cacoëthes. Quotusquisq; enim vel in Academiis permultis (novimus & vidimus specimina, experti diu,) vel in sedibus Nobilitatis Aulicæ, ad imitamenta FRISIORUM ac GERSDORFFIORUM SECKENDORFFIORUMq; , Luminum Columnumq; rei omnis publicæ, seu sacra, seu civilia expendas, in Saxoniz Milniæq; oris hisce, seriò assurgit? Quorum admirandam Svadz gloriam hîc non exaggerabo in opprobrium posteritatis; istud vel inviti largientur, ab avito studio discendi atq; exercendi nobilissimas has artes, descivisse ferè juventutem Academicam; quandoquidem, ut videantur modò, non ut sint imposterum vel docti, vel disert, potiore loco habent.

Ista verò tranſeant, dum Eloquentiæ conſiderandi ambitus & limites ſuperſunt. Eloquentiam vocârunt nullâ non ætate Sapientes habitum ornatè, copioſè, & accommodatè de re omni (divina & humana, de Republ. perſonis, rebus, actionibus ad laudem vituperiumvè pertinentibus,) dicendi ſcribendiq; , hominum & populorum animos nunc irritando, nunc ſedando permoventem, Principum conſilia moderantem, ad honeſtatis & juſtitiæ præſidium, & communem hominum ſalutem. Prodeant cœleſtium interpretes oraculorum, Oratores ſacri, & quid ſine Arte noſtra unquam valeant, conſiteantur. Auſint perſuadere animis, ignari artificiorum, infacundi, verbo exprimam, inepti, erigendo miſeros, terrendo contumaces, animando imbecilles; faciunt hæc, inquam, ſine Oratoriæ ſubſidiis. Forenſia civiliq; tractent alii; Legatos agant, à conſiliis dicantur, orent cauſas, ſanciant ſtatuta, voluminibus edendis inclareſcere nitantur; loquantur inornatè, inſicetè ſcribant, eleganti ac diſertâ ſint orbatî dictione, umbræ ſunt, aut crepita-cula.

Artis Oratoriæ ſi metiamur ſpaciū ac limites, indefinitus, Gelliano ore, ambitus, quoad materiem, occurrit. Græci, velut *Ariſtoteles*, *Demetrius Phalereus*, & hos ſecuti è Romanis *Cicero*, *Quintilianus* etiam τὸ ἔνασον amplexi, ſingulas ſub univerſo res, perſonas atqve actiones, quatenus ad genus aliquod dicendi commodè referri poſſunt, præſcripſerunt. Omnia nimirum, quæ ex numero perſuaſibilium cenſentur, illi ſubſunt. Nucleum intelligo inprimis ex Hiſtoria & prudentiâ Civilî; ne quis putamina vocabulorum modò captet. *Tullius* ex tripode: *Si Oratoris*, inquit, *nihil viſ eſſe, niſi compoſitè, ornatè, copioſè eloqui; quaro id ipſum, quæ poſſit aſſequi ſine eâ ſcientiâ, quam ei non conceditis?* *Quid*

*Quid est enim tam furiosum, quam verborum
vel optimorum atq; ornatissimorum strepitus
inanis, nullâ subjectâ sententiâ, aut scientiâ?*

*Sit Orator tanquàm omnigenæ eruditionis belluo; omnium re-
rum cognitione se nō ingurgitârit, omnes tn. degustârit. nam in
eo, quod quis prorsus ignorat, disertus esse nequit. Ac meâ*

*quidem sententiâ nemo poterit esse omni laude
cumulatus Orator, nisi erit omnium rerum ma-
gnarum atq; Artium scientiam consecutus. Expli-*

*cationem tamen aliis Orator libentissimè relinquit; applica-
tionem sibi ad negotium persuasionis servat, & hâc parte li-*

*mites agnoscit nullos. Audiamus Fabium de Oratore disse-
rentem: Ille Dialectica subtilitatem, ille moralis partis utilita-
tem, ille rerum motus causasq; cognoverit. Ita enim est, Viri
optimi, ita ex multa eruditione, ex pluribus artibus & omni-
um rerum scientiâ exundat illa admirabilis Eloquentia.*

*Neque Oratoris vis & facultas, sicut cætera-
rum rerum, angustis & brevibus terminis
cluditur.*

*Decipiuntur valdè, qui confundunt Oratoriam ceu
principem, cum famula Rhetorica; muremq; adeò farinâ
sparsum perridiculè pro domino pistrini habent. Tropis
figurisq; & capitibus paucissimis Rhetoricen includunt
vulgò, & ad arctissimos miserrimosq; carceres damnare O-
ratorem audent. Rectè Valla: Rhetorem Rhetorica vocamus
nos Lectorem, non Oratorem: mirorq;, cur in hoc tam facili
pervulgatoq; nomine exponendo Victorinus errârit. Et du-*

*Quintil.
de C.C. cor.
rupt. Elo-
quens.*

*lib. 4. Ele-
gant. 18.*

*Dialog. de
Poët. p. 343.*

*Scalig. 1. de
subtilis. 3.*

*Mediat. 3.
ad Scal.*

*In Orator.
Christian.
l. 2. c. 1. p. 49.*

*lib. 1. de Phi-
los. & eor.
sect. c. 20.*

dum antea Eumenius, cujus supra fecimus honestam menti-
onem: Neq; tanta, inquit, me aut negligentia, aut confiden-
tia tenet, ut nesciam, quanta sit inter banc, & nostra illa se-
creta studiorum exercitia diversitas. Ibi armantur ingenia;
hic praeliantur. Ibi prolusio, hic pugna committitur. Hic ple-
runq; velut sudibus & saxis; illic telis splendentibus dimica-
tur. Hic sudore Rbetor & quasi pulvere sordidus, illic insignis
ornatu laudatur Orator. Jamq; olim Plinius 4. Epist. II. Va-
lerianus Licinius nunc eò decidit, ut exul de Senatore, Rbetor
de Oratore fieret. Medici Philosophiq; summi inter Italos
Hieronymi Fracastorii acumen passim admiratur Julius il-
le Caesar Scaliger, quem mox illi testem sociabimus. Sic qui-
dem Fracastorius inter alia: Plurimum Orator atq; Rbetor
differunt. Alter enim servus est, alter dominus, alter doctus,
alter praeceptor; illius, qui servus est, finis est docere, per quæ
benè dicitur; ejus verò, qui dominus, finis est persuadere. Hic
autem: Oratoria est Politica pars, Rhetorica verò λογική;
cujus tertia portio Grammatica est. Idemq;: Rhetorica eadem
cum Oratoria non est; quippe ars Rhetorica Orationi ornatum
atq; vim apponit ad persuadendum. Oratoria utitur illius in-
strumentis. Ad quem locum conferatur suppar Scaligero
commentator Sperlingius ingeniosus. Delenda igitur, ut
Carolus Regius existimat, opinio illa vilis ac falsa, per quam O-
ratoris facultas propè videtur in Rhetorum detrudi officinas.
*Altior hæc Professio est, sacra, divina; atq; adeò
Philosophica nequaquam servituti subjecta;*
& quæ ad gloriam illius ampliorem alia occurrunt ibi. Vos-
sius è τράνω, cum ad Aristotelem & Ciceronem provocasset,
artificiosam Eloquentiam civilis rationis magnam & amplam
par-

partem esse, addit: quare Oratoriam in eo genere ponemus, ait Cicero de inventione, ut eam Civilis scientia partem esse dicamus. Et in Bruto idem: qui Eloquentia dat operam, dat prudentia. Non sine stomacho Adamus Tb. Siberus, bene meritus Senator quondam Academicus hic loci: De-
*niq̃, ut discant, inquit, isti obrectatores Eloquentia, Ora-
 tor rerum, hoc est argumentorum ac scientiarum cogniti-
 onem aliunde accipit, [ex Historia & Politica,] verborum
 disciplinam ipse sibi parit. Idem plura in rem hanc affert
 alibi. Joannes Avenarius, qui Eloquentia hanc spartam
 pari laude apud nos ornavit: Floris subcissivis per amœnis-
 simos Civilis sapientia hortulos exspatiatus, quadam com-
 muni studiorum utilitati haud infrugifera, quibus ut plu-
 rimùm Oratores ac Politici se delectare consueverunt, colle-
 gi, collecta disposuit, disposita publici juris feci.*

*Dissert. Acad.
 dem. 20. p. 267*

*Dissert. 21.
 p. 268.*

*Sesquicent.
 Politic. 99.
 dedicat.*

Merito hic vapulem, nisi in summorum meritis famâq̃; Oratorum Buchneri & Boccleri, propiori jure a-
 liquo venerandorum, acquiescerem sententiis. Sic qui-
 dem ille: Eloquentia doctoris provinciam
 non ita definiunt, (prudentes) ut Ciceronis
 tantum Orationibus, aut ejusdem, vel Ari-
 stotelis, aut Quintiliani interpretandis præ-
 ceptis includant; porrigunt latius ejus fines,
 inq̃; Historicorum ditionem usq̃ extendunt,
 cum faciunt copiam eloquentissimum quæ-
 que eorum tractandi. Ac, licet conciones in-
 primis commendent, non eò tamen id intelli-
 gen-

*Programm.
 Acad. 392.
 ad An. 1649.*

gendum est, ac si à ceteris, ut alienis, abstinere
 oporteat. — — His rebus adductus, (pergit
 maximus Virorum) atq; ut demandati mu-
 neris implerem partes, cum sæpè ante in præ-
 stantissimis quibusq; Historicorum veterum,
 qui Latinè scripserunt, privatim juxta & pu-
 blicè operam posui; tùm nunc T. Livium in
 manûs denuò decrevi sumere, propositu-
 rus primordia Urbis Regumq; historiam;
 tùm quomodò conversa Resp. sit, exactis
 Regib9, & instituta fundataq; à Bruto liber-
 tas. Ego, ait *Bæcl.* mecum perpendens, cum & à puero non
 de studiis magis, quàm de studiorum usu cogitare con-
 suevissem, & officii præsertim, quod nunc gero, * cura me
 commanefaceret, ut de præparandis vitæ & usui publico
 juvenû animis essem sollicitus, visus sum mihi operæ præ-
 tium facturum, si ad Civilia potissimùm Lectiones publicas
 & privatas cum exercitationibus plerisq; referrem. In-
 venias apud quosdam, Politicum non alium, quàm Orato-
 rem dici. Nota sunt Fabii verba in præf. operis:
 Vir ille verè civilis & publicarum privatarumq; rerum ad-
 ministratiōi accommodatus, qui regere consiliis urbes, fun-
 dare LL. emendare judiciis possit, non alius est profectò,
 quàm Orator.

Programm.
Acad. 2. p. 13.
ad A. 1637.

(Sub auspiciis
 Professionis
 Eloquæ
 hæc scripse)
 Idem alibi:
 Dissert. Acad.
 dem. 3. de E-
 loqu. Viri
 Civil. p. 107.

Horum omnium ut me auctoritatibus & ratio-
 nibus experior munitum, sic vestigiis insistam pro virili,
 nec à mente illa, quam per Annos, indulgentiâ Numinis
 ser-

servavi propemodum XXII [dixerim præfiscini?] rectissimam, me dimoveri patiar. Si faciat me Rhetorem fortuna tamen, feram animo lubenti, neq; deprecabor nomen; cum recogitem & *Scribas* appellatos olim, quos nunc vulgò *Cancellarios* vocamus; & *Scholasticos*, qui caussarum fuerant Patroni; (*Advocati* in commune audiunt,) *Grammaticosq;*, qui *Philologorum* nomine ac *Poëtarum* habebantur clari. Neque me prætereà Philologia unquam puduit, aut pudeat in posterum, si tantum Philologo sit omni integrum disserere in publico, quemadmodum fas Oratori declamare.

Redeundum denique in viam, & apertiùs significandum est, quid velim. Posteaquàm scilicet elapsa hac hebdomade in *Taciti* Germaniam hunc Lectiones meas publicas adduxi per hos menses quatuor, ut pauciora restent, intra breve spatium addenda; apud animum constitui, privatim exercitia, in primis panegyricæ Orationis, recitanda, hōris matutinis proximè subijcere. Exponam prius *Artis* hujus requisita, themata exhibiturus etiam, Panegyristarum plurium egregios labores cum industriis, hac lege nihilominus, communicabo, ut rem agant seriò & manum operi admoveant & linguam. Publicè, ut tempori inserviam præsentī, ad Historiam patientis JESU sacram ex deliciis Philologicis Antiquitates eruam, tradamq;ve horâ vespertina IV. in Acroaterio minori. Clausulâ epiphonematis è *Cicerone* hausti hoc propositum ob signo:

Per.

Pergite Adolescentes , atqve
in id studium incumbite , ut
vobis honori & amicis utili-
tati , & reipublicæ emolu-
mento esse possitis. SIC VOS
DEUS SERVET ! P. P. Dominicâ
REMINISCERE , Anno salu-
tis reparatæ c l o l o c
LXXXIII.





